



Univerzitet u Edinburgu i istraživački tim Centra za empirijska istraživanja religije

Predmet: Dopis za medije, 1. decembar 2021.

IZGRADNJA POVJERENJA I POMIRENJA U BOSNI I HERCEGOVINI: RAZLIČITE PERSPEKTIVE

U srijedu 1. decembra 2021. u Brčkom, Dom Islahijeta u ulici Islahijet 3., s početkom u 12 sati bit će održana prezentacija na kojoj će biti predstavljeni cjelokupni rezultati istraživanja i publikacije koje su nastale na temelju rezultata sedmogodišnjeg projekta u Bosni i Hercegovini, o procesu pomirenja i izgradnji povjerenja među građanima i narodima Bosne i Hercegovine.

Centar za empirijska istraživanja religije, Novi Sad - Sarajevo, i Univerzitet u Edinburgu su na zajedničkom projektu "Religion and Ethics in the Making of War and Peace" iznjedrili više izvještaja i publikacija, koje će umnogome pomoći razumijevanju različitih perspektiva društva, kako prošlosti tako i budućnosti, u izgradnji kvalitetnijeg zajedničkog života građana Bosne i Hercegovine. Monografije, izvještaji i karte gradova sadrže zbirne rezultate anketnog istraživanja na ukupnom uzorku od ukupno 3,520 ispitanika iz populacije građana i analize 77 intervjuja vodećih društvenih ličnosti u 13 gradova Bosne i Hercegovine.

Prema rezultatima vodeći politički, građanski i vjerski glasovi širom BiH tvrde da će se inkluzivan pristup pomirenju suprotstaviti korupciji, donijeti bolje političke ishode, integrisati društvene grupe u BiH i pružiti bolju zaštitu građanima. Izvještaji prikazuju stavove političara, prosvjetnih radnika, vjerskih ličnosti i građanskog društva svih profila. Nema razlika u mišljenjima među entitetima, niti među nacionalnim grupama, kao ni između manjih i većih gradova. Izvještaji odražavaju podršku rezultatima ankete koji sugerišu da je potrebno sprovesti različite aktivnosti pomirenja da bi se mladima osigurala budućnost. Ispitanici širom zemlje naglasili su potrebu za integriranjem pomirenja u podijeljene nacionalne/vjerske školske programe i vanškolsko učenje.

Istraživanje zasnovano na rezultatimaintervjuja, fokus grupa i javnih sastanaka u 13 gradova, sa fokusom na pomirenje kao ključni prioritet za sve javne potrebe i politiku, od građana u svakom gradu do mnogih kancelarija gradonačelnika i načelnika. Lideri javnog mnjenja iz svih sredina ne vjeruju da je javnost podijeljena ujedinjena su u stavu da je zajednička etika stvarni prioritet običnih ljudi, a to podržavaju i mnogi vodeći politički i vjerski glasovi. Javnost u cijeloj zemlji protivi se korumpiranoj retorici podjela po starom stilu u korist političke saradnje izgrađene na međusobnom priznavanju i poštovanju različitosti. Bez javne korupcije i političke manipulacije, postojala bi najslabijapodrška politici sukoba i mržnje.

Javnost uopšte mora da iskorači i pojača djelovanje kako bi se političari i vjerski lideri uključili u proces promjene: oni moraju pokazati visok nivo povjerenja u obične ljude iz svih grupacija u lokalnim zajednicama; moraju pokazati da mostovi preko društvenih podjela vode do praktičnih promjena koje pomažu običnim ljudima; moraju pokazati kako žele da se društvena raznolikost BiH poštuje i koristi za opšte dobro. Religijsko-sekularno poštovanje i saradnja mogu odigrati simboličnu ulogu u pokazivanju da su građani i političari podjednako usredsređeni na stvarne potrebe sljedeće generacije, koja dijeli velike izazove i velike mogućnosti, a ne na skupu politiku podjele identiteta i lažni nacionalizam.

Svi rezultati dostupni su na sajtu: <http://www.ceir.co.rs/index.php?strana=pages/edinburgh.php>